

**Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata allanngortinneqarneranik Inatsisartut inatsisaat nr. 31, 28. november 2016-imeersoq**

(Aatsitassarsiornermi aningaasaateqarfiup isertitaasa tunngavii)

**§ 1**

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaanni nr. 6, 5. december 2008-meersumi, Inatsisartut inatsisaanni nr. 25, 9. december 2015-mi allanngortinneqartumi, ima allannguuteqartoqassaaq:

1. § 3, imm. 3, oqaaseqatigiit pingajuattut inissinneqassaaq:

”Aatsitassarsiornikkut isertitatut taaneqassanngillat Namminersorlutik Oqartussat pigisanik tigussaasunik pissarsiaat, matumani uuliamik maqisoornermi akiuiniarnermi atortuutit, il-luutit, sanaartukkallu allat, taamatullu atortuutit allat il.il., matumani pigisat nalillit aatsitassarsiornermi atugassatut pilersinneqarsimappata imaluunniit atorneqarsimappata.”

**§ 2**

Inatsisartut inatsisaat 1. januar 2017 atuutilissaaq.

*Kalaallit Nunaanni Namminersorlutik Oqartussat, 28. november 2016*



Kim Kielsen